



Պ Ա Շ Տ Ո Ն Ա Կ Ա Ն

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԵՎ ՀԱՅԿԱԿԱՆ ՍՍՌ ԳԵՐԱԳՈՒՅՆ ՍՈՎԵՏԻ
ՆԱԽԱԳԱՀՈՒԹՅԱՆ ՆՈՐԸՆՏԻՐ ՆԱԽԱԳԱՀ
ՆԱԳՈՒՇ ՀԱՐՈՒԹՅՈՒՆՅԱՆԻ ՄԻՋԵՎ ՓՈԽԱՆԱԿՎԱԾ
ՀԵՌԱԳՐԵՐԸ

ՀԱՅԿԱԿԱՆ ՍՍՌ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ
ՆԱԽԱԳԱՀ ՄԵԾԱՀԱՐԳ ՏԻԱՐ ՆԱԳՈՒՇ ՀԱՐՈՒԹՅՈՒՆՅԱՆԻՆ

ԵՐԵՎԱՆ

Ուրախ սրտով շնորհավորում ենք Ձեր ընտրությունը և ողջունում Ձեզ իբրև
Նախագահության Նախագահը մեր երկրի գերագույն խորհրդի:

Ջերմապես մաղթում ենք Ձեզ արևշատություն և աշխատանքի անսպառ կորով,
որպեսզի լիակատար հաջողությամբ պսակվեն Ձեր հայրենանվեր իղծերն ու ծրա-
գրերը:

Թո՛ղ անսասան մնա մեր վերածնված Մայր Հայրենիքը, Խորհրդային Հայաս-
տանի Հանրապետությունը, ու հավետ ծաղկի խաղաղության և բարօրության մեջ
Խորհրդային Միության եղբայրացած ժողովուրդների փառապանծ միության դրո-
շի ներքև:

Վ Ա Զ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԸ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

9 ապրիլի 1963 թ.
Էջմիածին

ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԸ ԵՎ ԿԱԹՈՂԻԿՈՍ
Վ Ա Զ Գ Ե Ն Ա-ԻՆ

ԷԶՄԻԱԾԻՆ

Խնդրում եմ ընդունեցեք իմ խորին շնորհակալությունը այն բարի մաղթանք-
ների համար, որ Դուք հղել եք ինձ Հայկական Սովետական Սոցիալիստական Ռե-
պուբլիկայի գերագույն սովետի Նախագահության Նախագահ ընտրվելու առթիվ:

Ն. Խ. ՀԱՐՈՒԹՅՈՒՆՅԱՆ

Հայկական ՍՍՌ գերագույն սովետի
Նախագահության Նախագահ

10 ապրիլի 1963 թ.
Երևան

